

expositione me Lexica destituunt. Legitur praeterea fol. 17. p. 1. *Ascensio domini bodie. VI. N. maii. Anno domini m̄lXXVIII. mariani miseri domine miserere.* Meminit Codicis hujus egregii *Lambecius T. II. p. 749. edit. Kollar. col. 526.* qui tamen *Notas* marginum, quae, ut dictum est, locis PP. constant, pro ipso *Mariani* foetu habuisse videtur.

LIX. VIII. E. 4.

353 Codex membraneus lat. Sec. XII. Folior. 105. f. propter glossas marginum et interlineares columna angusta, lineisque laxis nitide exaratus, rubricisque distinctus continet omnes *D. Pauli Epistolas*, quarum prima inscribitur: *Incipit Epistola Beati Pauli Apostoli Ad Romanos.* Praeit illam breve quoddam argumentum hoc initio: *Quamvis in Euangelio et correptio morum et uitę humane doctrina contineatur &c.* Textus Epistolarum sat emendatus, Glossae partim ex ordinaria *Walafredi Strabi*, partim ex interlineari *Anselmi Laudun.* depromptae sunt. Illud peculiare, quod soli *Epistolae II. ad Corinthios*, et *Epistolae ad Galatas* Summaria exacta praefixa sint, quae utrobique *Tituli* inscribuntur. Inter *Epist. ad Philemonem* et *ad Hebraeos* tria inferuntur Segmenta. Primum est C. V. five *Vita D. Pauli e Catal. Illustr. Viror Hieronymi.* Alterum e *Libro Hermetis* (*Hermae*) *Pastoris Mandato III. de*

Conjugibus adulteris. Tertium de Genealogia *B. Mariae*, quod incipit: *Anna et esmeria fuerunt sorores &c.*

LX. VIII. E. 11.

Codex membraneus lat. Sec. 360 XIII. Folior. 40. f. minutius sed fat nitide perscriptus, rubricisque distinctus continet *D. Pauli Apostoli Epistolas* ex interpretatione vulgata, eo ordine, quo in Editis habentur. Adspersae sunt cum in marginibus, tum inter lineas *Notulae*, quae nec ex *Anselmi Laud.* nec ex *Walafredi Strabi Glossa* provenere, versus medium decrefcunt, versusque finem rursus copiosiores evadunt. Exemplo fit, quod ad v. *vocatus* statim in limine *Epist. ad Rom.* notatur: *Vocatio fit multis modis. aliquando per solam predicationem. aliquando per grauissimam infirmitatem uel aduersitatem. aliquando per miracula euidencia. aliquando per occultam inspirationem &c.*

Fuit Codex hic olim *monasterij sancte crucis in lympurgh inter spiram et Wormaciam ciuitates preclaras*, quod Abbatem celebrem habuit *Rupertum*, cuius quaedam dedimus inter *Homiletica.*

Afferculo posteriori adglutinae sunt *Litterae Philippi Episcopi Albanensis*, quibus *Friderico de Rudesheym Maguntin. dioc.* Uxorique et Liberis conceditur electio Confessarii ad Quinquennium in ordine ad absolutionem exceptis Casibus Sedi Apostolicae reservatis, et Votorum commutationem

ex-

exceptis Ultramarino, beatorum Petri et Pauli atque Jacobi Apostolorum. *Dat. Rome apud Sanctum petrum sub sigillo officij penitentiariae. II. Non. Septembr. Pont. domini Pauli pape II. Anno Sexto. Ergo 1470. Philippum hunc in ferie Epp. Albanens. omisit Ugbellus Ital. sacr. T. I. Ciaconius in Vit. Pontiff. et Cardd. T. II. col. 974. Philippum Calandrinum Nicolai IV. ex matre fratrem Card. et majorem Poenitentiarium subdubius ex aliquibus Episcopum Albanensem vocat. En itaque e Literis nostris certo Sedi suae restitutum, collocandumque, ut opinor, ante vel post Rodericum Borgiam, qui deinceps Alexander VI. fuit.*

LXI. VIII. 7. 7

463

Codex membraneus lat. Sec. XII. Folior. 59. 4. lineis laxis, ut Glossae locus esset, luculente exaratus, adfistente utrinque columna Glossae *Walafridianae* minutius scripta complectitur *Epistolas VII. Canonicas Apostolorum* ordine recepto *Vulgatae*. Textus

Vulgatus.

*Testimonium Jesu Christi quaecumque.*

*Tempus enim prope est.*

*Testimonium Jesu. Fui in Spiritu &c.*

*Tamquam tubae dicentis &c.*

*Quae sunt in Asia.*

*Sol lucet in virtute.*

fincerus est; Testimonium tamen *Job. I. c. 5.* sic legitur: *Sicut in celo tres sunt pater et uerbum et spiritus. et tres unum sunt. quoniam tres sunt qui testimonium dant in terra spiritus. aqua. et sanguis et hii tres unum sunt.* Epistolae *Judae* linea ult. intercidit; finit enim: *magnificentia. imperium et potestas* —. Codex olim Coenobii *S. Crucis* Ord. Cist. in *Austria* fuit.

LXII. VIII. 9. 12.

Codex membraneus lat. Sec. 588 XII. Folior. nunc 141. 4. nitide perscriptus et rubricis distinctus hoc gaudet Titulo: *In hoc volumine continetur apokalipsis sine glossa et apokalipsis cum glossa et est fratrum minorum in — —. Pag. 2. Incipit prefatio beati ieronimi in apokalipsi. Ut in Bibliis glossatis: Johannes apostolus et evangelista a domino ihesu christo electus &c.* Tum Textus a prima manu in XLVIII. Particulas divisus, hinc inde a *Vulgato* varians, ut docet C. I. collatio:

Codex.

*Testimonium ihesu in his quaecumque &c.*

Omissum.

*Testimonium ihesu christi. Fui &c.*

*Tubae dicentis &c.*

Omissum.

*Sol lucens.*

I 2

Et